

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 15. stav (4) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na prijedlog Ministarstva finansija, Vlada Zeničko-dobojskog kantona, na 13. sjednici, održanoj dana 26.01.2024. godine, d o n o s i

ODLUKU

o preraspodjeli sredstava u Budžetu Zeničko-dobojskog kantona za 2024. godinu

Član 1. **(Predmet)**

Odobrava se preraspodjela sredstava planiranih u Budžetu Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), između budžetskih korisnika Kantonalna direkcija za ceste i Ministarstva za prostorno uređenje, promet i komunikacije i zaštitu okoline.

Član 2. **(Način preraspodjele sredstava)**

Preraspodjela sredstava planiranih u Budžetu Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), vrši se na sljedeći način:

- a) na razdjelu 19, budžetska organizacija 03, potrošačka jedinica 0001 – Kantonalna direkcija za ceste, planirani rashodi na poziciji 615100 – Kapitalni transferi drugim nivoima vlasti, Izdaci iz budžeta izvor 10 za 2024. godinu, umanjuju se za 100.000,00 KM;
- b) na razdjelu 19, budžetska organizacija 01, potrošačka jedinica 0001 – Ministarstvo za prostorno uređenje, promet i komunikacije i zaštitu okoline, planirani rashodi na poziciji 821300 – Nabavka opreme, Izdaci iz budžeta izvor 10 za 2024. godinu, uvećavaju se za 100.000,00 KM.

Član 3. **(Realizacija odluke)**

Za realizaciju ove odluke zadužuju se Kantonalna direkcija za ceste, Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 4. **(Stupanje na snagu)**

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

PREMIJER

Broj: 02-11-1755/24
Datum, 26.01.2024. godine
Z e n i c a

Nezir Pivić

DOSTAVLJENO:

- 1x Ministarstvo finansija,
- 1x Kantonalna direkcija za ceste,
- 1x Ministarstvo za prostorno uređenje, promet i komunikacije i zaštitu okoline,
- 1x „Službene novine Zeničko-dobojskog kantona“,
- 1x a/a.